

Allaah Rabbul Ālameen Se Mohabbat Karo

Taurait : laadā 6:1-25

Musā^(a.s) ne logoñ se kahā, “Allaah taa’alā ne mujhse kahā hai ki main ye qaanun aur usul tum logoñ ko sikhaaun. Jab tum us zameen par rahne jao to is qaanun par amal karnā.⁽¹⁾ Tum aur tumhaarī aulaadeñ aur unkī nasleñ zindagī bhar Allaah taa’alā ke azaab se ḡarnā. Tum uske qaanun aur usuloñ par amal karnā jo main tumko batā rahā huñ. Agar tum aisā karoge to us naī jagah par ek lambī umr tak rahoge.⁽²⁾ Ibraaniyoñ suno agar tum is qaanun par amal karoge to tumhaarī zindagī bahut behatreen ho jaaegī. Tumhaarī bahut sī aulaadeñ hoñgī aur tumhaarī zameen acḡī cheezoñ se bhar jaaegī. Allaah rabbul ālameen, jiskī ibaadat tumhaare baap-daadā bhī karte the, usne hamse ye waadā kiyā hai.⁽³⁾

“Sunō, e logoñ! Allaah rabbul ālameen, jis par ham īmaan rakhte haiñ, wo ek hī hai aur dusrā koī naheen hai.⁽⁴⁾ Tum apne pure dil se, apnī ruh se aur apnī purī jaan lagā kar Allaah taa’alā se mohabbat karo.⁽⁵⁾ Tum hameshā in usuloñ aur qaanun ke baare me sochnā jo main āj tumko batā rahā huñ.⁽⁶⁾ Tum inko apne bacchoñ ko bhī sikhaanā aur unse inke baare me baat karnā, chaahē tum ghar main baithē ho yā ghar se baahar saḡak par chal rahe ho. Inke baare me har waqt baat karnā jab tum sone jao aur uṡho.⁽⁷⁾

“Ye qaanun ek nishaanī kī tarah hone chaahie jaise ki tum inko apne haath me lapette ho yā apne maathe par baandhte ho,⁽⁸⁾ jo likhe hue hoñ tumhaare ghar kī chaukhat par yā tumhaare ghar ke darwaaze par.⁽⁹⁾ Allaah taa’alā ne tumhaare buzurgoñ se Ibraaheem^(a.s), Ishaq^(a.s) aur Yaaqub^(a.s) se, ḡhaas waadā kiyā thā ki wo tum logoñ ko ye zameen degā. Jis zameen par āleeshaan shahar haiñ jinko tumne naheen banaayā hai.⁽¹⁰⁾ Wahaan par acḡī cheezoñ ke godaam haiñ jo tumne naheen ḡhareede haiñ. Wahaan par kueñ haiñ jo tumne naheen khode haiñ. Wahaan par aḡur aur zaitun ke baag jo tumne naheen ugaae haiñ. To tum tab tak khaao jab tak tumhaare peṡ bhar naheen jaate.⁽¹¹⁾

“Lekin ḡhabardaar! Tum Allaah taa’alā ko bhul mat jaanā, jis ne tumko Misr kī ḡulaamī se āzaad karaayā hai.⁽¹²⁾ Tum Allaah taa’alā kī hī izzat aur ḡhidmat karnā. Tum usī ke naam se waadā karnā.⁽¹³⁾ Tum logoñ kī tarah kisī aur cheez par īmaan mat rakhnā.⁽¹⁴⁾ Allaah taa’alā hameshā tumhaare saath hai, aur tumse purī wafaadaarī chaahṡe hai. To agar tum kisī aur cheez kī ibaadat me lag jaaoge, to wo tumse naaraaz ho jaaegā aur tumhaarā naam-o-nishaan is zameen se miṡā degā.⁽¹⁵⁾

“Tum log Allaah taa’alā ko phir se parakhne kī koshish mat karnā jaise tumne pahale kiyā hai.⁽¹⁶⁾ Tum is baat kā ḡhyaal rakhnā ki tum Allaah taa’alā kā kahnā maannā aur uske bataae hue qaanun aur baatoñ par amal karnā.⁽¹⁷⁾ Tum log wahī kaam karnā jo Allaah taa’alā kī nazar me ṡheek hai, tabhī tumhaarī zindagī me har cheez ṡheek se hogī. Tabhī tum log us acḡī zameen par jā paaoge aur uske maalik ban sakoge, jis zameen kā waadā usne tumhaare buzurgoñ se kiyā hai.⁽¹⁸⁾ Jaisā ki Allaah taa’alā ne tumse kahā hai ki tumhaare dushman wahaan se bhagā die jaaenge.⁽¹⁹⁾

“Āne waale waqt me tumhaare bacche tumse puchenge, ‘Allaah taa’alā ke bataae hue usul, qaanun, aur taaleem kā kyā matlab hai?’⁽²⁰⁾ Tum unko ye jawaab denā: ‘Ham Misr me uske baadshaah ke ḡulaam the aur Allaah taa’alā ne apnī azeem taaqat se hameñ uskī ḡulaamī se āzaad karaayā thā.⁽²¹⁾ Allaah taa’alā ne hamaarī āñkhoñ ke saamne apnī azeem nishaaniyaan aur karishme dikhaae. Allaah rabbul ālameen ne ye azeem aur ḡhatarnaak nishaaniyaan Misriyoñ, unke baadshaah Firaun, aur unke ghar waaloñ ko ḡaraane ke liye dikhaaī thī.⁽²²⁾ Lekin Allaah taa’alā ne hamko Misr se āzaad karaayā taaki wo hameñ waadā karī huī acḡī zameen de sake.⁽²³⁾ Allaah taa’alā ne hameñ hukm diyā hai ki ham uskī dī huī taaleem par amal kareñ aur hameshā uske azaab se ḡareñ. Jab tak ham kahnā maaneñge tab tak ham ziñdā raheñge aur phaleñge phuleñge, jaise ki āj ham haiñ.⁽²⁴⁾ Agar ham Allaah taa’alā kī baateñ aur qaanun par amal kareñge to Allaah rabbul azeem hamko nek banā degā.’”⁽²⁵⁾